

# Ungmennafélag Íslands

## Erindisbréf fyrir vinnuhóp um Rafíþróttir

### Skipan og umboð

Vinnuhópurinn er skipaður af fræðslunefnd UMFÍ að afloknu sambandsþingi og fer með mál í umboði fræðslunefndar UMFÍ og samkvæmt samþykktum lögum UMFÍ. Fræðslunefnd UMFÍ skipar hópinn og tilnefnir formann. Vinnuhópurinn er skipaður eftirfarandi einstaklingum:

### Vinnuhópur um Rafíþróttir

Hallbera Eiríksdóttir, stjórn UMFÍ – formaður.

Anton Scheel Birgisson, USVH.

Ástþór Jón Tryggvason, ungmennaráð.

Eiður Ottó Bjarnason, ÍBR.

Jóhanna Íris Ingólfssdóttir, USÚ.

Valdimar Gunnarsson, UMSK.

Vilhelm Patrik Bernhöft, ÍBR.

Ragnheiður Sigurðardóttir, starfsmaður nefndar.

### Hlutverk og markmið

Hlutverk vinnuhópsins er að:

- Vinnuhópnum er falið að koma með tillögu til fræðslunefndar varðandi aðkomu ungmennafélagshreyfingarinnar varðandi rafíþróttir.
- Þá er hópnum einnig falið að hafa samvinnu við Rafíþróttasamtök Íslands varðandi málaflökkinn og hvaða möguleikar eru til staðar.
- Starfa samkvæmt samþyktri fjárhagsáætlun hverju sinni.

Stjórn UMFÍ óskar eftir eftirfarandi vörðum:

- Niðurstöður vinnuhópsins verði lagðar fyrir vorfund sambandsaðila UMFÍ 2020.

### Hæfi og skyldur nefndarmanna

Vinnuhópurinn skal leitast við í allri sinni ákvarðanatöku að hafa hagsmuni UMFÍ að leiðarljósi. Það leggur þær skyldur á fulltrúa í hópnum að setja ávallt hagsmuni heildarinnar ofar sérhagsmunum, hvort sem heldur er sínum eigin eða einstakra hópa er þeir tengjast eða tilheyra. Fulltrúar sem gætu átt hagsmuna að gæta skulu upplýsa um það áður en mál er tekið til umfjöllunar. Fundarmaður, sem vanhæfur er við úrlausn máls, skal yfirgefa fundarherbergi hópsins við umræðu og afgreiðslu þess. Með vanhæfni vísast til sveitarstjórnarlaga. Að öðru leyti vísast til siðareglna UMFÍ.

Vinnuhópurinn hlutast ekki til um daglegan rekstur og starfsemi UMFÍ sem heyrir undir hópinn. Vinnuhópurinn hefur ekki boðvald yfir starfsfólki UMFÍ. Sé þörf á vinnu starfsmanna UMFÍ vegna verkefna á vegum hópsins skal ósk um slíka vinnu berast framkvæmdastjóra UMFÍ frá formanni hópsins eða starfsmanni hans.

## Fundir og starfshættir

Framkvæmdastjóri tilnefnir starfsmann vinnuhópsins. Starfsmaðurinn undirbýr fundi hópsins í samráði við formann, situr fundi hennar og hefur þar málfrelsi og tillögurétt. Starfsmaður ritar fundargerðir hópsins og ber ábyrgð á því að leggja fundargerð ásamt tillögum hópsins fyrir næsta skipulagða fund fræðslunefndar.

Formaður hópsins boðar fundi í samráði við starfsmann nefndarinnar. Geti nefndarmaður ekki sótt fund skal hann tilkynna það til formanns og starfsmanns hópsins. Formaður hópsins ber ábyrgð á því að samvinna sé á milli vinnuhópa/nefnda þegar það á við. Til fundar telst löglega boðað hafi allir nefndarmeðlimir verið boðaðir með að minnsta kosti þriggja sólarhringa fyrirvara. Fundi vinnuhóps skal almennt halda með fjarfundabúnaði en sé nauðsynlegt að halda sameiginlegan fund á einum stað þá skal leita fyrirfram heimildar framkvæmdastjóra fyrir útgjöldum í samræmi við fjárhagsáætlun og fer þá kostnaður eftir ferðareglum UMFÍ. Rekstur vinnuhópsins tekur mið af fjárhagsáætlunum UMFÍ hverju sinni. Vinnuhópi er óheimilt að stofna til fjárskuldbindinga í nafni UMFÍ.

Formaður vinnuhópsins stýrir fundum. Formaður og starfsmaður hópsins skulu leitast við að tryggja að í þeim málum sem til umfjöllunar koma í hópnum sé andstæðum sjónarmiðum gert jafn hátt undir höfði og lýðræðisleg vinnubrögð jafnan viðhöfð. Vinnuhópurinn getur boðað á sinn fund aðila til viðræðna um tiltekin mál. Þeir sem sitja fundi hópsins skulu gæta fyllsta trúnaðar um mál, sé þess óskað. Þagnarskylda þessi helst þó látið sé af þessum störfum.

## Gildistaka

Erindisbréf þetta hefur verið samþykkt í stjórn og tekur gildi 15. nóvember 2019. Starfstímabil vinnuhópsins lýkur á vorfundi sambandsaðila UMFÍ 2020.